



6. november 2012

Inatsisartut suleriaasianni § 37 naapertorlugu, matumuuna apeqquutit makku Naalakkersuisunut saqqummiuppakka:

Danskit Naalagaaffinut Naalakkersuisut nunanit allaneersut pillugit inatsit (udlændingelov) pillugu saaffiginninnerat pillugu apeqquteqaatit

1. Nunanit allaneersut pillugit inatsit pillugu qanga Naalakkersuisut Danskit Naalakkersuisuutitaanut/Naalagaaffianut saaffiginnippat?
2. Nunanit allaneersut pillugit sorlerpiaat pingaartillugit Naalakkersuisut inissisimappat?
3. Naalakkersuisunut danskit naalagaaffiannut saaffiginnissut qanoq imaqarpa, allakkatigullu allatigullu attaveqatigiinnerit pineqartut akornani qanoq ingerlanneqarpat?
4. Naalakkersuisut nunanit allaneersut pillugit inatsit pillugu saaffiginnissutaasut qaqugu naammassillugu suliarinissaat naatsorsuutigivaat, kiallu pineqartut pillugit tamakkiisumik akisussaaffigai? Naalakkersuisut Siulittaasua, Inuussutissarsiornermut Naalakkersuisup imaluunniit Naalakkersuisut allat?
5. Naalakkersuisut qulaani pineqartuni suliap ingerlateqqinnissaani nunatsinni suliasanik angisoorsuarni inuussutissarsiornikkut ingerlatassani (storskalaprojekter) sunniuteqartussanik Naalakkersuisut suliaqarpat?
6. Naalakkersuisut apeqqutinut siuliani taaneqartut ilaannannulluunnit akuersaartumik akisinnaappata, taava tamatumunnga tunngatillugu Naalakkersuisut eqqarsaatersuutiniq sunik iliuseriniakkanillu sunik sulianillu ingerlanneqartuni nunanit allaneersut pillugit inatsimmi (udlændingeloven) Naalakkersuisut qanoq suliaqarpat, kialu tunngaviusumik akisussaaffigaa nunarput sinnerlugu nunatsinni Naalakkersuisut Danskillu Naalagaaffiata akornani paasissutissanik avitseqatigiinnerit assigisaanillu attaveqatigiinnerit ingerlanneqarneri?
7. Naalakkersuisut nunanit allaneersut pillugit inatsit pillugu Naalakkersuisut aaqqiissutissanik siunnerfigisaminnik massakut siunissamilu aaqqissutissat pillugit sunik qanorlu innuttaasunut saqqummiiniarpat?

Tunngavilersuut:

Inuussutissarsiornermut Naalakkersuisup Inatsisartut inersuarmi apeqquteqarnerini akissuteqaatimini paasissutissat tunniussai innersuuppakka, tamatumani Naalakkersuisut nunanit allaneersut pillugit inatsimmut tunngassuteqartut pillugit Naalakkersuisut danskit naalagaaffianut saaffiginnissutigineqarneri akissuteqaatimini tunngavilersuutigimmagit.

Apequtit qulaani aqutigalugit nunanit allaneersut pillugit sulianik ingerlatsinerit paasissutissiissutigineqarnissai neriutigaara, kiisalu nunanit allaneersut pillugit inatsimmi nunani allaneersut pillugit suliat ullumikkut siunissamilu qanoq ingerlanneqartarnerisa takussutissinneqarnissaat kissaatigaara, tamatumani pineqartuni nunatta Naalakkersuisui Danskil Naalakkersuisuinut Danskillu Naalagaaffianut nunarput innuttaasullu sinnerlugu saaffiginnissutaat pillugit takussutissinneqarnissaat siunnerfigalugu. Suliffissaqarnikkut sulisoqarniarnikkullu aammalu innuttaasut ilusilersorneqarnerani (arbejdsmarkedsområdet, beskæftigelsesområdet, samfundsstrukturen) ullumikkut siunissamilu siunnerfigineqartut takussutissinneqarnissaat kissaatigaara.

Naalakkersuisut ullut suliffiusut qulit iluanni akissutissaat qilanaaraara.

Inussiarnersumik inuulluaqqusillunga

Akitsinnguaq Olsen
Siumut sinnerlugu Inatsisartunut ilaasortaq